

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Epistolarvm [epistolarum] D. Philippi Melanchthonis Farrago

Melanchthon, Philipp

Basileae, 1565

VD16 -M3220

Illustrissimo principi ac domino, D.N.N.Marchioni Brandenburgési, duci
Stettinensi & Pomeraniae, &c.& Burgrauio Norimbergési,&c. domino sup
clementissimo

[urn:nbn:de:bsz:31-312770](https://nbn-resolving.org/urn:nbn:de:bsz:31-312770)

reducunt. Hoc sodalitiū te uereri decet: quod quidem mirificam uoluptatem capit ex assiduitate discendi, & pijs studijs & sermonibus: & Deo predicat uestra studia, eiq; uos commendat. Quare cauebis, ne uel inertia tua, uel mali mores offendant, & abigant hos uigilantissimos custodes.

Illustrissimo Principi ac Domino, D.N. N. Marchioni Brandenburgēsi, Duci Stettinensi & Pomeraniæ, &c. & Burgrauio Norimbergēsi, &c. domino suo clarissimissimo,

S. D. Illustrissime & clementissime Princeps. Non dubiū est, legitima imperia & salutare Principes Dei opera & beneficia esse. Id grati cogitare debemus, ut confirmetur in animis reuerentia pulcherrimi ordinis. Adolescentes etiam Principes eo maiore se doctrina & uirtutum exercitijs instruere debent, ut ad munus in genere humano summū accedant non rudes & imparati. Scriptum est enim: Erudimini, qui iudicatis terrā. Gaudeo igitur C. T. optima doctrina de Deo, & de omnibus uirtutibus excoli. Et quidem cogitatione doctrine, Deus sese animis piorum communicat. Oro autem Deum, ut studia C. T. adiuuet: et efficiat, ut olim patriam feliciter gubernes, & tua uirtus profiti uniuerse Germaniæ, sicut multi Principes Marchiones

nes ornamento Germania fuerunt. Quod C.T. mihi clemēter & scripsit, & aprum misit, ego gratias & pro beneuolentia & munere. Et uicissim labores meos Ecclesie & Reipublice offero. Bene & feliciter ualeat C.T. Die quarto Ianuarij, anno 1558: qui annus ut sit faustus & felix Celsitudini uestrae, & Ecclesie, & Germania, faciat filius Dei Dominus noster Iesus Christus: Amen.

Reuerendo uiro, D. Georgio Burcholtzero, fratri suo charissimo,

S. D. Reuerende uir, & charissime frater. Scōs magnum & singulare Dei beneficium, sobolem, & pacem doctrine, & habentem inclinationes ad uirtutem firmas. Talis cum sis Ioachimus Blanckfeld, & patri & adolescenti ipsi talem naturam gratulor. Et Reipub. causa gaudeo, esse aliqua talia ingenia: ac Deum oro, ut hunc Ioachimum & alios honestos adolescentes seruet & gubernet, et faciat ut multi sint uasa misericordie, & organa salutaria. Audiui enim cum de aliquibus dialecticis questionibus disputantem, de quibus non solum recte respondit, sed etiam ornat responsiones moderatio pronunciationis. Ac patrem recte facturum esse iudico, si eum diutius in studio literarum retinebit, et iubebit initia iuris ciuilibis discere, etiam si post biennium

nium